

Noorikukodu külastamine

8100 Kulla elle^q õks sis kolm tüükeist,
pääle paari pääväkeise.
Taadsi tull' õks sis kotost kostisõna,
Tuula puult tukõv jutt:
vana tull' õks eis' ese kutsmahe,
Tuul sõnna tuumahe,
8115 Tuul õks kuts' ne kumard',
pall' o näid painutõlli:
"Mi tulgõ^q õks ti poolõ puulpühäl,
saagõ^q sannapääväkesel!"
Esi õks tä naard' ne nal'at',
8120 veerät' sõnno viguriidse:
"Kuts'a^q õks meil uutva^q kodotütärd,
Taksi^q vaugva^q Taadsikõist -
jää-s õks meil sõõgi andjat,
lahe lakõ tegijät!
8125 Nä[i]dsik õks kõõ pinne nälütelles,
kuts'a^q kogone kuioõ^q."
Kaadsi õks ese kadsatõlli,
tark maama taat* sõnno:
"Olkõ^q õks no terveh, kutsijani,
8130 au sõna andjani!
Kuus võta õks mi kodohoitjat,
viis viikandjat,
nelli õks lehmänüssjät,
katõsa õks küll kar'aravitsõjat."
8135 Vanna hoiji^q õks nää^q lango lahehehe,
Taadsi esse tahehehe.
Läts õks sis kodo minemähe,
lang kodo laskõmahe,
Taadsi sai õks sis esse saatmahe,
8140 läbesi lähätämmä.
Esekene õks sis küsse ülä ello,
kallis tätä kasa-põlvõ.
Taadsil õks jo ikk iih juusk',
silmävesi vällä viirdõ,
8145 lasõ-s õks joht ikul iih minnä^q,
silmäviil vällä veertä^q -
Taadsi taha-s õks joht esse ikõtada,
kull'a tätät kurvastada.
Esele õks tä kitt' kimmähe,
8150 and' arvo armahe.
Ese läts õks sis kodo hüäl meelel,
kaldo kalle süämega.
Esekene õks küll imele ütél',
maamalõ manitsõlli:
8155 "Saa-i õks mi tiidä Taadsi ello,
kasa-põlvõ kavatsõlli:
Taadsil lätsi^q õks küll silmä^q segämätsest,
silmä veere^q vereväst,
ikko pidi õks tä kinni, illos lats,
8160 kaihomeele kalõstõlli -
esele õks tä taha-s ohto üldä,
umma kaiho kaibada!"

Taadsi õks nuurt noorikõt,
tarka talo-imändät -
8165 kui õks sis tull' puulpühä,
sai sannapääväkene,
rutto õks nää^q sanna savvutõlli^q,
varra viha vetütelli^q,
käve^q õks nää^q ilosahe,
8170 kallehe kabistõlli^q.
Taadsi õks sis kuts' imekeist,
höigas' tähe tätäkeist:
"Ehi^q õks sa, ime ne ese,
valme^q olgõ^q õks, ülä ti vanõba^q!"
8175 Kaadsi ka õks ehe ilosahe,
nuur miiss nobõhõhõ.
Lätsi^q õks sis kost' ma kull'akõsõ^q,
langu poolõ laadnahe.
Ime tull' õks jo ikuga vasta,
8180 lainameelel mano lask'.
Pääle õks vil iku ilotõlli,
pääle laina laulaskõlli:
"Teid jovva-s õks imp kuigi uuta^q,
kaia^q kallist latsõkõist!
8185 No tull' õks jo väü värehille,
langu^q laiõtõ mano -
no laskõ^q õks jo tarrõ, mu langu^q,
minge^q hüvvä härbänne!"
Mito oll' õks säääl vastavõtjat,
8190 räti pääst pästjät:
mano joosi^q õks säääl terävä^q tiindre^q,
tulli^q nägüsä^q nä[i]dsigo^q.
Taadsi õks sis esse helläkeist,
vanna tätät, tähekeist -
8195 esi õks tä ütél' ne naard',
vigurihe veerätelli:
"N'oo^q õks meil omma^q peräpütü^q,
kulla vaadi-kummutusõ^q -
võidõ^q õks siin koste^q kuus päivä,
8200 viis päivä veerätellä!"
Kadsat' õks vasta Kaadsi ese,
vana lang laadit' sõnno:
"Olõ õks mi üte tüekese,
mi mõnõ minodakõsõ.
8205 Kotoh omma^q õks meil võõra^q võõdõdo^q,
omma^q panto^q palgalise^q,
kotoh olõ-i õks meil iih-minejät,
olõ-i takah-tulõjat:
võõras vidä õks säääl jalgo virilähe,
8210 kand kõrda kõvõrehe."
Sis õks nää^q seivä^q, sis jeivä^q,
laadnahe laulo leivä^q.
Ime kuts' õks sis Taadsi taadõ-tarrõ,
kallehe kambrõhõ.
8215 Esi õks tä kuts' ne kuuk',
and' sõnna, ai jutto:

”Tulõ^q õks sa, Taadsi, sää^q säng,
n’oo^q koti^q kohendõllõ^q!”
Ime õks sis nakas´ kūsümähe,
8220 hillä sõnna hel’otamma.
Taadsi läts õks sis lahke kui kõdõr,
pardsi ikma paugahto:
”Ime-õks-sa-kene helläkene,
hüä maama, mar´akõnõ,
8225 üte tei õks ma kotusõ kur´astõ,
hani, otsani halvastõ:
s’oo olõ-i õks imp maja mino uma,
n’oo^q tarõ^q Taadsi uma^q!
Kaadsi oll´ õks kõõ pehme pet´mähe,
8230 kavval sõnno kallutamma -
kiräkese õks ma tei timä pääle,
tei timä nime pääle,
Kaadsil õks no om kats krunte,
mehel mito mõisat!”
8235 Ime õks sis ütël´: “Oe-oe,
mis no saa, mino tütär?”
Ime õks eis´ ikula kõnõli,
silmäviil veerätelli:
”Sedä tohi-i õks mi esele üldä^q,
8240 papalõ pajatõlla!”
Sis õks nää^q rutto vällä lätsi^q,
aiva^q jutto julgõhõ.
Heitä-s õks nää^q, mar´a^q, magamahe,
linnu^q und lebämähe -
8245 langu^q aiva^q õks küll jutto lahehet,
perüs hüvvä peremehe^q.
Kaadsi õks ese kahitsõlli,
umma kaiho kaibõlli:
”Ma tei õks ar Kaadsi peremehest,
8250 kulla kodokunigast.
Tiijä-i õks vil, lahe langukõnõ,
määnest naka õks ma ello elämähe,
määntsit päivi nägemähe -
agu saasõ õks vil vanal vaiva pall’o,
8255 elähünül suurt ikko?”
Taadsi õks sis ese taat´ sõnno,
vana lang laadit´ jutto:
”Mul om ka õks küll hirm hiusseh,
haigusmiil halli siseh -
8260 mul om ka õks ar lubat tütrelle,
Taadsilõ taatõt.”
Tälle naka-s õks vil laulma tuu lang,
naka-s kõkkõ kõnõlõmma,
Taadsi om õks et Kaadsilõ anno^q,

8265 kasalõ kallutanu.
Kaadsikõnõ õks kõõ marssõ maija piti,
kopsõ umma koto piti,
hüvvä kullõl´ õks kõõ jutto hüält puult,
kurjo sõnno kur´alt puult -
8270 Kaadsi õks kõik puistas´ umma punga,
kallut´ sõnno karmanehe.
Taadsi õks sis esse helläkeist,
vanna tätät, tähekeist -
tuud õks tä langulõ kõnõli,
8275 lingulõ leelotõlli:
”Õga tulõ-i õks joht halvut mu Taadsist,
kavaluist kallest!
Muudku karista^q õks sa umma pujakõist,
keelä^q kinnä Kaadsikõist,
8280 lasku-i õks sa Kaadsil kalgõ tetä^q,
umah kotoh kuri olla^q -
Taadsi om õks mul üts üle hulga,
kalamaimi kanakõnõ!”
Sis õks nää^q kostõ^q, kodo lätsi^q,
8285 viidi^q aigo, astõ^q vällä.
Esi õks nää^q naari^q minneneni,
kadsatõlli^q kaldunna:
”Minnä^q õks meil kodo koorikillõ,
veertä^q vadsa veerükillõ
8290 s’oosta õks hüästä elosta,
pehmilt piirakilt!”
Taadsi õks läts ikkõh,
kabokõnõ kahitõh.
Kaadsi õks kõõ irve ikjät,
8295 kulla sõnakuukjat:
”Taadsi õks kas Alet armastõllõt,
tahtva^q silmä^q seto poissi?”
Ime õks sis ütël´: “Mis sa irvit,
viskat sõlmilda sõnno?
8300 Eis´ ka õks ma saadi tütrit,
linahiusit liigutõlli -
kõik õks naa^q ikva^q edimält,
kallehe kahitsõsõ^q:
edimält õks om hallõ näio ello,
8305 kallis kabo kasumist!”
Sis õks nää^q lätsi kulla kodo,
kulla kodo, mar´a majja.
Koste veivä^q õks nää^q kodohoitjillõ,
vatska vara vahtjillõ.
8310 Kotoh kiti^q õks nää^q umma kost´mist,
arma ao viit´mist.